

Logica non tam est de actibus intellectus in semetipsis, quam de secundis intentionibus in concreto, seu de rebus ut a cognitione denominatis: tota siquidem est in explicandis generi, specie, differentia, subjecto, predicato, medio, extremis etc., quae nomina proprie convenienti conceptibus objectivis, nec nisi improprie aptantur formalibus (1).

Resp. 1.^o Hoc argumentum non «fayet conceptibus objectivis secundæ intentionis, id est, concretis, aut denominationibus constitutis ex objecto et cognitione directa; neque enim denominatio generis est prædicabilis de inferioribus, nec denominatio subjecti identificatur cum denominazione prædicati, est sic de cæteris. Actus igitur illi verificantur de solo objecto extra animam specificative sumpto, connata ut summum forma rationis ut mera conditione. Immo secundus et quartus, ut sonant, respiciunt rem prorsus independentem a forma rationis, nempe realem identitatem. Si ergo munus objecti formalis est verificare actus, plures erunt actus vere logici, qui solas res secundum esse physicum de formalib[us] respiciant ita, ut forma rationis ut summum sit conditio objectiva, quod tamen Auctores, quibuscum modo certamus, improbare videntur» (2).

Resp. 2.^o Negari potest Major objecti argumenti, «Non enim semper quod verificat actum est illius objectum formale, quoties nimur attingitur ob motivum seu rationem formalem realiter ab ipso distinctam. Sic, dum fide divina vel humana assentimur objectis alias ignotis, assensus isti verificantur de rebus creditis, cum tamen sola dicentis auctoritas sit eorum objectum formale» (3).

Resp. 3.^o dist. Minor. Actus Logicæ non pauci verificantur de solis conceptibus objectivis, si accipiuntur ut sonant, conc., si explicitur ad intentionem Logicæ, neg.; et neg. conseq.

Ad probationem, «Actus illi, si ad intentionem Logicæ explicitur, reddunt sensum hujusmodi: *Concepsus genericus talis esse debet, ut reddat naturam prædicabilem; Definitio et*

definitorum formalia verificare debent de eodem subjecto; Subjectum et Prædictum formalia representare debent objecta realiter identificata; In syllogismo exprimi debet identitas realis extreborum cum tertio et inter se. Idem puta de cæteris. Sic autem explicati, proprie verificantur abs dubio de conceptibus formalibus, eosque directe respiciunt.»

«In idem recedit, quod alii dicunt, prædictos Logicæ actus, ut jacent, verificari de conceptibus formalibus, non ut *quod*, sed *ut quo*, non *in essendo*, sed *in representando*: quamvis enim subjectum et prædictum formalia non sint *id*, quod identificatur, tamen representant objecta realiter identificata: et quamvis conceptus *animal* non sit, *quod prædicatur*, est *id*, *quo redditur objectum prædicabile*» (1).

Objic. 2.^o Concreta genus, subjectum, prædictum et similia, ad aliquam scientiam pertinent secundum omnes partes, quas involvunt. Sed non ad aliam, quam ad Logicam. Ergo... (2)

Resp. 1.^o Non omne concretum seu denominatio extrinseca adscribi debet alicui scientiae, ut patet in his: *amatum, visum, tactum, irrisum...*

Resp. 2.^o «Ut ea concreta spectent ad Logicam, non debet utraque pars habere munus objecti formalis, sed sufficit, quod altera formaliter, altera materialiter, per actus logicos attingatur, ut accidit his concretis: *congrue significatum, ornate dictum, graphice expressum, comparatione Grammaticæ, Rhetorice et Pictoriæ*» (3).

Dices: Physica non solum formam, sed etiam materiam habet pro formalib[us] objecto.

Resp. neg. paritatem. Ratio enim, cur Philosophia naturalis et materiam et formam directe ac per se considerat, est quia utraque participat rationem entis mobilis, que est ratio formalis, sub qua tendit illa scientia.

Objic. 3.^o Tractatus de *Anima* non solum agit de actibus intellectus et voluntatis aut sensuum, sed etiam de objectis eorum. Ergo idem dicendum est de Logica.

(1) Apud Lossada, loc. cit. n. 10, apud quem vide solutas in n. 11, 21, instantias contra hanc solutionem factas.

(2) Apud. Lossad., ib. n. 13.

(3) Lossad., ib. n. 13.

(1) Apud Lossada, loc. cit. n. 7.

(2) Lossada, loc. cit. n. 8.

(3) Lossada, ib. n. 9.

Resp. quod attinet ad actus intellectus et voluntatis, neg., quod de illarum potentiarum objectis formaliter tractet scientia de *Anima*; verum enim et bonum, quæ sunt earum objecta, pertinent ad metaphysicam considerationem.

Quod vero attinet ad objecta sensuum fateor ita esse; sed ratio est, quia illa objecta spectant ad considerationem naturalis Philosophie. Unde neg. paritatem.

Objic. 4.^o Homo sic ordinatur ad Deum clare visum, ut non sola visio, sed etiam Deus ipse sit finis hominis. Ergo Logica sic ordinatur ad genus, speciem et alia concreta intentionalia, ut non sola cognitio, sed etiam res, quæ cognoscitur, sit ejus finis et objectum formale (1).

Resp. neg. paritatem. Quia Deus ipse, prout distinctus a visione, habet in se rationem ac motivum, cur sit finis hominis; at Logica cuius finis est artificium modi sciendi, in rebus extra animam non inventit rationem aut motivum, cur ab ipsa considerentur.

Addo etiam, si quippiam valeret paritas, argumentum probaret Logicam principalius ordinari ad res secundum esse physicum earum, quam ad cognitiones, quod est contra argumentem; immo probat Logicam ex professo versari circa praedicata intrinseca et specifica rerum omnium; quare Logicus omnia tractare debet, omniaque scire.

Dices, idem incommodum sequi, si objecta cognitionum, saltem pro materiali, respiciantur a Logica. Sed respondeo materiale objectum non discuti ex professo a scientiis, sed solum quantum exigit necessitas objecti formalis; artificium autem, quod est objectum formale Logicæ, quatenus ab ejus regulis generalibus dictatum, plerumque non exigit notitiam rerum, nisi obviam et generalem (2).

Objic. 5.^o Omne id, de quo scientia disputat, est ejus formale objectum. Sed Logica ex professo disputat de conceptibus objectivis, saltem in questione praesenti. Ergo (3).

Resp. Objectio probat etiam id omne, de quo disputatur, an sit formale objectum, reipsa esse, quamvis evidenter

ontendatur pars negativa: quod est mirabile. Formale igitur objectum Logicæ illud est, cuius ipsa naturam et proprietates directe investigat; non vero illud, de quo tantum querit, an objectum sit, ut maturius, et velut cognita causa, declarat spurium, et abjicit: hoc enim solum attingitur, et, si velis, formaliter, per actus reflexos speculativos, qui non proprie, sed reductive pertinent ad Logicam (1).

Plura lege, si lubet, apud Lossada.

ARTICULUS IV.

Utrum objectum formale Logicæ sit ens rationis et secundæ mentis intentiones.

348. Ut questionem salebrosissimam nec sine maximo animorum astu agitatam exponamus, oportet prius perspicue terminos intelligere sententiarumque varietatem aperire. Intentio generativum importat actum intellectus, et duplex distinguuntur: *prima* et *secunda*. Prima est cognitio directa representans objectum secundum esse physicum; secunda vero est cognitio reflexa habens pro objecto rem, prout jam prævie cognitam vel secundum esse derivatum ab intellectu. At sicut conceptus duplex distinguitur *formalis* et *objectivus*; ita etiam intentio sive *prima* sive *secunda*, altera est *formalis*, altera *objectiva*. Prima et secunda intentio *formales* sunt iste, que modo conceptus sunt. Prima autem intentio *objectiva* est objectum primæ intentionis *formalis*, nempe res illa, quæ terminat primam intentionem *formalem*; et secunda intentio *objectiva* similiter est illud, ad quod terminatur secunda intentio *formalis*, nempe res secundum esse derivatum ab intellectu.

Hæc, qua jam alibi declarata sunt, exemplo illustrari possunt. Cognitio ita representans *hominem* cum sua reali natura est prima intentio *formalis*; *physica* vero ac realis natura *hominis* est prima intentio *objectiva*. Quod si intellectus supra naturam *hominis* sic cognitam reflectatur, reperiet eam præcisam atque abstractam ab omnibus differentiis

Aperitur
status
questionis.
Quid intentio

intentio primæ,
secunda,

formalis et
objectiva.

(1) Ita P. Lynce apud Lossada, loc. cit., n. 14. Conf. 2.*

(2) Lossada, loc. cit., n. 16.

(3) Ita iterum P. Lynce apud Lossada, loc. cit., n. 14.

(1) Lossada ib., n. 17.

individuantibus cum quibus natura humana inest in Petro, Paulo etc., et prout sic abstractam videt esse quodammodo unam atque uniformiter praedicabilem de Petro, Paulo etc. Et hujusmodi unitas constituit universale logicum. Mens igitur ita reflectens format hosce conceptus: *Humanitas abstracta, praedicabilis de multis, universalis, species*: qui omnes sunt totidem intentiones secundae formales, et objectum hisce conceptibus respondens, nempe *humanitas abstracta*, etc. sunt secundae intentiones objectivæ (1).

Quare secunda intentio objectiva si in concreto spectetur, duo involvit, pro materiali naturam realem, quæ fuit objectum primæ intentionis formalis, et formam seu denominatio[n]es provenientes ex modo illam intelligendi, seu affectio[n]es proprias illius esse intentionalis derivati ab intellectu abstracte ac precise illam concipientis. Tales sunt *universalitas, ratio generis seu generitas, ratio speciei, subjectio, praedictio, definitio* etc., nam istæ affectiones aut proprietates non convenient rebus secundum suum esse reale, sed solum secundum suum esse intentionale, seu prout certo modo cognitæ sunt.

«Forma autem ista, saltem eo sensu, quo intenditur a Logica, nihil est aliud juxta nostros Auctores, quam cognitio directa, quæ dicitur prima intentio formalis; hæc enim pro varietate sui modi tendenti præstat formaliter objecto denominatio[n]es *generis, praedicati, definiti*,» etc.

«Porro denominatio dicitur *extrinseca*, dum provenit a forma non inhærente subiecto, sed alibi existente; ut cum a visione, cognitione, dilectione in te existentibus denominatur alter *visus, cognitus, dilectus*. Dicitur vero *intrinseca*, dum est a forma, quæ subiecto inhæret; ut cum tu ipse denominaris *videns, cognoscens*, vel etiam *albus*, aut *calidus*.»

«Secunda ergo intentio in concreto est denominatio extrinseca, cuius materia est objectum externum, et cuius forma est cognitio inhærens, non objecto, sed intellectui, cognitioni, inquam, illa, quæ in ordine ad suum objectum est prima

(1) Vide de his S. Thom., Opusc. de *Natura Generis*, cap. 15; et Opusc. 2.^o de *Universal.*; et Auctor. *Summ. totius Logicæ Aristot.*, tract. 1, cap. 1.

intentio formalis; hæc enim ipsa in ordine ad cognitionem reflexam, est secunda intentio objectiva in abstracto, seu forma secundæ intentionis in concreto» (1).

Hæc in sententia Nostrorum, qui consequenter censem ipsos formales actus intellectus nostri secundum propriam rectitudinem esse objectum formale Logice, ut mox videbimus.

349. At longe aliter opinantur Thomistæ, qui communiter contendunt objectum formale Logice in ente rationis reponendum esse. Quod ut intelligas,

Nota ens rationis, prout alibi explicabitur, trifariam accipi posse: *effective*, aut *subjective, denominative*, et *objective*. Ens rationis effectivum seu subjectivum est ens, quod a ratione efficitur, in eaque tamquam in subjecto recipitur: quo sensu omnes actus intellectus entis rationis appellari possunt. Ens rationis denominative sumptum, sunt denominatio[n]es ab actibus intellectus in objectum derivatae; et hoc pacto *esse cognitum, definitum* etc. vocantur entia rationis, nempe denominativa. Hæc tamen due acceptiones entis rationis minus propriae sunt; et ens rationis simpliciter dictum, intelligitur ens rationis objectivum.

Ens ergo rationis objective sumptum, est illud, quod habet esse objective tantum in intellectu. Tale ens est pure objectivum seu fictum, quod proinde neque est extra intellectum, nec esse potest, sed tantum habet esse objectivum in intellectu, quia illud sibi obicit intellectus ut ens, et cognoscit quasi ens, cum revera non sit ens sive existens, sive etiam possibile. Itaque quando queritur num ens rationis sit objectum formale Logice, intelligitur hujusmodi ens rationis, videlicet *objectivum*.

Sed adhuc hoc figmentum entis, seu ens rationis, posse esse vel sine fundamento vel cum fundamento conflatum ab intellectu; primum genus vocatur *ens rationis ratiocinantis*, et sub se complectitur chimæras, ut *equus rationalis, circulus quadratus* etc. Alterum vocatur *ens rationis ratiocinatae*, quia singitur cum aliquo fundamento vel occasione ab ipsis rebus præbita, dividique solet in *negatio-*

Sententia
nostrorum au-
torum.

Sententia
Thomistarum
objectum
Logica in ente
rationis
terpenitentium.
Ens rationis
tripliciter dici
potest:
effective,
subjective,
objective.

Ens rationis
objectivum
potest
esse cum vel sine
fundamento.

(1) *Lossada, Logic.*, tract. 1, disp. 2, cap. 4, n. 3.

nem, privationem ac relationem rationis, quia nempe omnes hujusmodi fictiones entia vel fiunt concipiendo carentias (negationes vel privationes) per modum formæ aut affectionis objecti positive, vel ibi fingendo relationem, ubi nulla est.

Jam entia rationis, quæ vulgo *logica* dicuntur, non sunt ex communi sententiæ negationes nec privationes instar formarum positivarum conceptæ; sed entia rationis *logica* dicuntur denominations ab operationibus intellectus resultantes, vel denominations certum modum rem considerandi consequentes, quales sunt ratio *subjecti*, *prædicati* etc.; vel si mavis rem in concreto declarare, sunt ipse res cognitæ prout certo quodam modo denominatae ob modum, secundum quem considerantur, ut *subjectum*, *genus*, *species* etc. Hec vero dicuntur entia rationis logica, quia sola hæc cadunt sub considerationem Logice.

Thomistæ reponunt objectum Logice in ente rationis objectivo; variant tamen nonnullis in modo rem explicandi.

Thomistæ ergo unanimiter censem objectum formale adæquatum Logice esse ens rationis objectivum, quamquam non omnes eodem modo rem explicit. «Quidam enim illorum dicunt, objectum Logice esse ens rationis in tota sua latitudine, ut abstrahit a privatione, negatione, et relatione,» quam sententiam refutat Toletus (1). «Alii vero dicunt esse solam relationem rationis, ut abstrahit a prima et secunda intentione» (2). Verum omissis his aliquis modis dicendi, qui etiam a posterioribus Thomistis deseruntur, sententia est inter hos celebris, constituens objectum formale Logice in ente rationis, quod sit artificium vel forma artificiale resultans in materia Logica ex regulis ejus. Quæ tamen sententia bifariam exponitur, ac defenditur.

Modus quorundam gravium auctorum, pro ente rationis subjective in actibus speciatu pugnantem

Primus modus est eorum, qui agnoscunt materiam seu objectum materiale Logice esse formales actus intellectus, formam vero seu rationem, sub qua Logica eos considerat, dicunt esse artificium ac rectitudo vel ordinatio ipsorum, quæ tamen sit quoddam ens rationis ex directione ac regulis Logice in iisdem resultans. Aliis verbis, hi auctores sentiunt actus mentis, ut in seipsis artificiosos, esse objectum formale

(1) *Dialect.*, *De Dialectica in communī*, quest. 5.^a, conclus. 3.^a
 (2) Apud Lossada, loc. cit. cap. 4, n. 6.

Logicæ, ita tamen ut forma artificii, qua actus constituuntur recti, non sit realis, sed ens quoddam rationis. Hanc tuentur opinionem Cosmas de Lerma (1), Sanchez et Martinez de Prado (2), quibus subscribere videtur a nostra Societate P. Antonius Rubius (3).

Alii vero censem, artificium in rebus ipsis cognitis resultans ex modo cognoscendi esse formale objectum Logice, nempe formas constituentes secundam intentionem in concreto, seu rationes generis, speciei, subjecti, prædicati, etc., secundum quam ordinare conceptus objectivos docet Logica. Et quoniam istæ formas non habent ullum esse reale, ideo Logica dicitur sectari tamquam formale objectum ens rationis. Unde secundum hunc modum explicandi actus intellectus non sunt materia denominabilis ab artificio, quod Logica formaliter contemplatur, sed res ipsæ cognitæ, quibus convenienter rationes generis, speciei, subjecti, etc. Actus vero intellectus sunt materia pure dirigibilis, quia nempe illi ex directione Logice inducunt in objectis intellectis artificium, quod haec scientia formaliter contemplatur, quatenus ex certo modo cognoscendi resultant in illis entia rationis, sicut actiones fabri ex directione artis inducunt formam artificialem in rebus externis. Hanc sententiam tuentur Joannes a S. Thoma (4), Complutenses (5) aliqui plurimi Thomistæ (6), quibus e nostra Societate videntur adhærere PP. Toletus (7) et De Benedictis (8). Pro hac quoque sententia laudatur S. Thomas, qui non uno in loco scripsit quædam eidem multum faventia (9).

modus
communissimus
inter Thomistos,
ens rationis
in objecto
actuum
considerantur
tugentes.

(1) *Log.*, lib. 1.^o de *Proemialibus*, quest. 9.

(2) Apud Lossada, loc. cit.

(3) *Log.*, quest. 6 proem.

(4) *Log.*, secund. part. quest. 1, art. 3.

(5) *Log.*, Disp. 1 proem., q. 2.

(6) Apud eosdem Complutens., et apud Lossad., loc. cit., n. 7.

(7) *De Dialectica in communī*, quest. 5, concl. 4.

(8) *Philos. perip.*, vol. 1, quest. proem., cap. 5, paragr. 2, *Dico 4.^o*

(9) Vide lib. 1.^o *Poster.*, lect. 20, paragr. d.; lib. 4. *Metaphys.*, lect. 4, paragr. b; Opusc. 2.^o *de Universal.*, paulo ante med.; Opusc. *de Trinit.*, sup. Boët., quest. ult. art. 1, ad 3.^{um} etc.

Sententia
nostorum au-
torum.

In quo sit caro
totius
controversiae.

Contra vero nostri auctores fere omnes cum Eximio Doctore (1), Fonseca (2), Comibricensibus (3) aliisque negant ens rationis pure objectivum esse objectum formale Logicæ, sed volunt objectum formale esse actus intellectus artificiosos recteque dispositos cum artificio ac rectitudine sibi propria, que sit non ens rationis, sed aliquid reale ac realiter indistinctum ab ipsis formalibus actibus intellectus.

Totus ergo cardo controversiae inter Thomistas et nostros Auctores in hoc est, utrum Logica formaliter ac prius consideret conceptus objectivos vel rationes cognitas secundum illas denominations derivatas ex modo intelligendi, quales sunt ratio generis, subjecti, praedicati, etc. que dicuntur secundae intentiones in abstracto, nihilque realitatis important in ipsis rebus cognitis, ac vero potius consideret formaliter ipsos actus formales intellectus secundum artificium reale ac rectitudinem sibi propriam et intrinsecam.

In hac controversia, cuius longe maiorem esse judico difficultatem, quam utilitatem, ego proponam rationes utriusque partis, ac dein, quid mihi verisimilius videatur, indicabo.

§ I.—SENTENTIA THOMISTARUM,
PRO ENTE RATIONIS OBJECTIVO IN IPSIS REBUS CONSIDERATO
PUGNANTUM.

Rationes in
favorem
sententie
Thomistarum,
ens rationis
objectivis
tuentium;
prima,
auctoritas
S. Thomæ.

350. Probatur 1.^o Auctoritate S. Thomæ, ex^r quo varia producuntur testimonia: a) Ex Proemio in libros Elbiorum, ubi plures ordines considerantur tamquam objecta diversarum scientiarum, et dicitur ordo, quem ratio considerando facit in proprio actu pertinere ad rationalem Philosophiam, seu Logicam, nempe ordo, quem ratio considerando facit in proprio actu, puta cum ordinal conceptus suis ad invicem et signa conceptuum, quae sunt vocis significatioe (4). Verum hoc testimonium videtur multo magis favere contrarie sententiae: quare miratur Lossada (5) illud a Thomistis in suum favorem allegari.

(1) Disp. Met., 54, in principio.

(2) Metaph., lib. 2, cap. 3, q. 1, sect. 3 et 5.

(3) Dialect., q. 5, proem. art. 2.

(4) Hunc locum alibi nuper produximus.

(5) Loc. cit., cap. 4, num. 32.

3) Ex lib. 1.^o Poster. lect. 20, ubi haec habentur: Quia circa omnia que sunt, habet negotiari ratio, Logica autem est de operibus rationis, Logica etiam erit de his, que communia sunt omnibus, id est, de intentionibus rationis, que ad omnes res se habent. Tales autem intentiones sunt ratio generis, speciei, subjecti etc.

γ) Ex libro 4.^o Metaphysicor. lect. 4, ubi: Ens est duplex, scilicet ens rationis et ens naturæ. Ens autem rationis proprie dicitur de illis intentionibus, quas ratio advenit in rebus consideratis, sicut intentio generis, speciei et similitudinum; que quidem non inveniuntur in rerum natura, sed considerationem rationis consequuntur. Et hujusmodi scilicet ens rationis est proprie subjectum Logicæ (1).

Alia etiam testimonia producuntur ex S. Thoma in tractacionum hujus opinionis (2).

Prob. 2.^o eadem Thomistarum sententia ratione. «Omnis Secunda ratio, realitas, que inveniri potest in objecto Logices, vel est actus intellectus, a quo denominantur res cognite, vel est res intellecta et repræsentata, vel aliquid reale superadditum et accrescit conceptibus ex ordinatione Logice. Duo prima secundum suam realitatem solum pertinent ad objectum materiale Logicæ, quia de rebus cognitis, ut res sunt, agunt scientiæ reales, et de conceptibus, etiam ut sunt reales perfectiones intellectus, agit Philosophia. Solum ergo de illis, quatenus ordinatis artificioso modo, formaliter agit Logica. Et quod accrescit ex ordinatione Logicæ, vel est sola denominatio extrinseca, qua res reddituntur cognitæ; et hoc naturaliter ad cognitionem consequitur, non est autem aliquid artificiosum, quod per se respicit Logica, quia est ars scientifica. Debet ergo esse aliquod artificium conveniens objectis non in re, sed ut cognitis; et si convenit rebus ut cognitis, constat esse aliquid rationis, quia convenient illis, non ut sunt

(1) Hunc locum de ente rationis non pure objectivo, sed de subiectivo ac denominativo interpretandum esse contendit P. Lossada (loc. cit. cap. 5, n. 11-15) cum aliis auctoribus Societatis.

(2) Vide v. g. Opusc. de Natura Generis, cap. 4; Opusc. 2.^{us} de Universalib.; Opusc. de Trinit. sup. Bœl., quest. 6, art. 1 ad 3.^{us}

in re, sed ut sunt cognitæ; neque enim invenitur in re relatio generis aut speciei» etc.

«Quod vero accrescit ipsis actibus intellectus ut ordinatis per Logicam, non potest esse aliud, quam realis tendentia, vel ordo ad objecta cognita et ordinata per intentiones logicas; nam quidquid aliud in conceptu ponatur, præter ordinem istum ad objecta sic ordinata, non est aliqui reale. Et ex hoc illi conceptus et actus dicuntur ordinati a Logica, quia versatur circa objecta cognita, quae sic ordinata sunt; sicut conceptus non dicitur genus aut species, aut prædicatum aut subjectum, nisi quia attingitrem, que est genus, vel species aut prædicatum, etc. Ista autem tendentia et repræsentatio circa objecta sic intentionata, sine dubio realis forma et perfectio est, sicut etiam ipse habitus scientiæ, qui eadem objecta respicit, realis qualitas et scientia est, sed non est id, quod per se et formaliter respicitur a Logica; tum quia isti actus et conceptus non dicuntur ordinati, nisi quia objecta, circa quæ versantur, ordinata sunt; atque adeo si ordinatio in ipsis rebus cognitis est aliquid rationis, etiam denominatio ab illa proveniens in actus non addit novam realitatem. Tum etiam quia hoc ipsum quod Logica proponit alias scientiæ conceptus objectivos per intentiones Logicas ordinatos sine alio reali influxu, illas dirigit, sicut aliae artes archetonicæ, quæ dirigunt inferiores, non habent pro objecto formalis actus inferiorum artium, quas dirigunt, sed objectum quod respiciunt, per cuius propositionem redditur aliae inferiores directæ... Similiter Logica cum reliqua scientias ordinat, et illuminet quantum ad modum artificiosum discurrendi, non habebit pro objecto formalis ipsis actus aliarum scientiarum ratione tendentiae et ordinis realis ad objecta sua ordinata; sed illud, quod in objecto cognito speculatur Logica, et alias scientiæ proponit secundum, id erit objectum formale ipsius, quæ utique ordinatio objectorum secunda intentione est.» Ita Joannes a S. Thoma (1).

(1) Log. secund. part., q. 1, a. 3. Fundamentum conclusionis est; et ibidem responderetur quibusdam instantiis, contra hoc argumentum factis.

Prob. 3.^o Tres sunt objecti formalis adæquati conditiones ex S. Thoma (1): α) quod contineat omnia, que tractantur in scientia, ita ut ad ipsum revocentur omnia, vel tamquam principia, vel tamquam partes, vel tamquam species vel proprietates ejus: β) quod sit id, de quo potissima cura est in tali scientia, et de quo (si aliqua fuerint) tradantur præcepta: γ) quod sit id, per quod talis scientia distinguitur a qualibet alia» (2). Atqui tres hæc conditiones locum habent in ente rationis respectu Logicæ, non vero in ente reali. Ergo...

Minor Probatur quoad α). Ens rationis prædicatur fere de omnibus, que in tota Logica tractantur; reliqua vero ad ipsum reduci possunt, vel tamquam partes, vel principia vel species. Sane hæc sunt verae prædicationes: *Universale est ens rationis; Genus, species, differentia etc. sunt ens rationis; Univocum, analogum, predicamentum, propositio, aequipollentia, antecedens, inducere, syllogismus, figura etc. sunt entia rationis.* De intellectu autem et ejus actibus non disputat Logica, nisi secundum quod sunt principia et causæ, ex quibus dictæ intentiones resultant. Reliqua vero, ut substantia, qualitas et aliqua prædicamenta, que in Logica tractari solent, revera ad ipsam non pertinent, secundum quod sunt partes entis realis (3).

β) Neque vero obiter de hujusmodi entibus rationis aut propter aliud agit Logica, sed ex professo et per se.

γ) Denique per ens rationis, non vero per ens reale distinguuntur Logica a ceteris scientiis. Neque aliter distinguui posset. Nam si objectum reale contemplaretur, illud esset abstractum vel a materia dumtaxat singulari, vel etiam a sensibili, vel præterea ab omni prorsus materia etiam intelligibili; nec enim est possibile objectum habens alium gradum abstractionis. Atqui objectum abstrahens a materia dumtaxat singulari spectat ad Physicam; abstrahens a sensibili, ad Mathesim; abstrahens demum ab intelligibili, ad Metaphysicam.

(1) S. Thom., Prolog. in libr. *Sententiæ* art. 4.

(2) Complutens., disp. 1, proœm. q. 2, n. 11.

(3) Complutenses loc. cit., n. 19. De quo cfr. Lossada, loc. cit., c. 5, n. 21 et 25 seqq.

Ergo si Logica formaliter respiceret objectum aliquod reale, non posset ab aliis scientiis distinguui. Ita Complutenses (1).

Quarta ratio.

Prob. 4.^a In qualibet scientia dantur principia prima, objecti illius scientiae propria, ex quibus procedit ad conclusiones de objecto illo demonstrandas. Ergo si objectum scientiae reale est, principia quoque illius realia sint oportet. Atqui Logica non habet aliqua prima principia realia, ex quibus procedat ad suas conclusiones de objecto proprio demonstrandas. Nam tota ars syllogistica innitur in principiis *Dici de omni* et *Dici de nullo* et in principio identitatis. Similiter ars definiendi et dividendi innitur intentiobus generis, differentiae, speciei, et similibus: que omnia constat esse entia rationis. Ergo principia, ex quibus procedit Logica sunt intentiones rationis ac proinde tale quoque erit objectum ejus. Ita iterum Complutenses (2).

Quinta r.^aatio.

Prob. 5.^a Consideratio rationis se extendit ad omnia, de quibus ens reale praedicatur, docente Aristotele (3) et S. Thoma (4), et sic assimilatur Metaphysicæ. Debet ergo illa considerare sub aliqua ratione formalis, qua in omnibus illis reperi possit. Atqui ultra praedicta seu rationes reales, rebus omnibus communes, quæ sunt objectum Metaphysicæ, nullæ aliae dantur rationes, quæ convenient omnibus entibus, nisi secundae intentiones seu praedicta rationis. Ergo ratione illarum considerat Logica omnia entia, ac proinde ipsæ erunt objectum formale ejus.

Hoc quoque argumentum faciunt Complutenses (5), de quo videri potest Lossada (6). Plura dabunt alii Auctores, ac nominatum Lossada in objectionibus, quas sibi proponit ac solvit (7). Sententiam vero hanc fuse impugnatam vide si vacat, apud Lossada (8).

(1) Loc. cit., n. 19 et 18; *Confirmatur primo*. De hoc ultimo argu-
mento vide Lossada, loc. cit., cap. 5, n. 7, 8.

(2) Loc. cit., n. 20.

(3) Arist., lib. 4 *Metaph.*, cap. 2; et lib. 1 *Poster.*, cap. 8.

(4) S. Thom., lib. 4 *Metaphys.*, lect. 4.

(5) Loc. cit., n. 18.

(6) Loc. cit., cap. 5, n. 9.

(7) Loc. cit., toto cap. 5.

(8) Loc. cit., cap. 4, a. n. 15, ad finem usque.

**§ II.—SENTENTIA THOMISTARUM PRO ENTE
RATIONIS IN IPSIS ACTIBUS SPECTATO PUGNANTIBUS, SEU ARTIFICIUM
ACTUUM, QUOD LOGICA CONTEMPLATUR, FORMALITER IN ENTE
RATIONIS REPOVENTIUM.**

Rationes
Thomistarum
pro ente
rationis in
actibus spectato
pugnanti;
prima,

Prob. 1.^a «Logica habet pro objecto operationes intellectus, quas dirigit, ut per directionem constituat ex eis syllogismum aut aliud instrumentum. Ergo materiale objectum sunt operationes reales, formale vero directio aut ordinatio earum, per quam constituent talia instrumenta. Sed ordinatio est relatio rationis. Ergo objectum formale est ens rationis.» Ita P. Antonius Rubio (1).

Prob. 2.^a «Ex activa directione Logica necessario pullulat, seu consurgit in actibus directis forma rationis, quæ est secunda intentio et ultima forma artefacti logici» (2).

secunda,
tertia,

Prob. 3.^a «Actus intellectus secundum realem tendentiam sunt actiones artificis, quibus Logica suum construit artefactum. At artificium seu forma artificialis consistere nequit in actionibus artificis aut artis, sed semper est aliud distinctum et inde pullulans» (3).

quarta.

Prob. 4.^a Forma syllogismi in *Barbara* est ejus dispositio in figura et modo. Hac autem dispositio est quid rationis, quia nihil ponit in conceptibus, siquidem ex iisdem invariatis construi potest alius syllogismus in alio modo et figura» Ita Araujo (4).

De vi harum rationum videri potest Lossada (5).

**§ III.—SENTENTIA REPONENS OBJECTUM FORMALE LOGICÆ IN
ARTIFICIO REALI VEL RECTITUDINE PROPRIA OPERATIONUM
INTELLECTUS.**

Sententia
auctorum Societatis
talis

352. Ut melius percipiatur doctrina haec inter Auctores declaratur am-
Societas communissima, prius declarandi sunt termini, plus.

(1) *Logic.*, quest. 6.^a proem., n. 24, conclus. 1.^a Cfr. Lossada, loc. cit., cap. 4, n. 11.

(2) Ita Araujo et Prado, ex Lossada, loc. cit., n. 12.

(3) Vide apud Lossada, loc. cit., n. 13.

(4) Apud Lossada, loc. cit., n. 14. Cfr. c. 7, n. 18, *Objic.* 2.^a etn. 21.

(5) Loc. cit. cap. 4, n. 11, 15. Cfr. omnino etiam, quæ disputantur cap. 7, a. n. 16 ad n. 25.

videndumque, in quo consistat rectitudo et artificium illud, ratione cuius actus intellectus dirigi possunt a Logica. Nec vero quis scrupulum moveat ex eo, quod Logica non actus mentis, sed ipsam mentem dirigat. Nam licet Logica solam mentem dirigat, quatenus hec vox idem sonat, ac *instruere* vel *edocere*, tamen vere etiam actus dirigit, quatenus hec vox significat *dictare* vel *regulare*.

Direccio duplex,
activa
et passiva.

Itaque directio duplex distingui solet *activa* et *passiva*. Directio activa est ipsa regula artis; directio passiva est ordinatio vel rectitudo, quam regula dicta in opere faciendo. Utrique spectari potest vel in actu primo vel in actu secundo. Activa directio in actu primo, que vulgo, licet impropre, dicitur dirigibilitas activa, est aptitudo regulæ ad dirigendum. Activa vero directio in actu secundo est ipsa regula, ut actu dirigenſ sive prælucens ad operandum. Ex adverso passiva directio in actu secundo est rectitudo operis, ut facti cum attentione ad regulas; passiva directio in actu primo est aptitudo seu dignitas operis, ut ab arte dictetur, et approbetur, et vocatur etiam dirigibilitas passiva.

Dirigibile
subjective et
objective.

Observa tamen adhuc bifariam aliquid posse esse arte dirigibile, *subjective* et *objective*. Dicitur subjective dirigibile illud, quod postquam existit, est subjectum indifferens, ut recipiat vel non recipiat formam artificiosam; quo pacto ligna et lapides dirigibili sunt ab architectura. Hujusmodi dirigibilitati per quādam analogiam comparatur indifferitrationis, quam habent prædicta communia, ut contrahantur per differentias specifcas recte vel viciose. Dicitur vero dirigibile objective, quod essentialiter est rectum, indifferens tamen, ut existat vel non existat; ideoque ab arte dictator ejus existentia potius, quam actus oppositi: quare non est subjectum, cui ars perfectionem superaddat, ut est marmor respectu artis sculptoræ, sed est ipsam perfectio, quæ præconcipitur ab artifice, et regulis objicitur ut digna, quæ actu ponatur. Sic a Fide dirigibilis est amor Dei super omnia, non quia Fides dicit, ut amor alterius objecti fiat amor Dei, sed quia dictat, ut actus, quem præconcipit esse amorem Dei, eliciatur potius, quam aliis amor. Hoc modo actus intellectus in specie dirigibiliſ sunt a Logica. Haec ergo objectiva dirigibilitas idem est ac directio passiva in actu primo, vel intrinseca

rectitudo, quæ artis regulis objicitur ut factibilis, et vocari etiam solet *artificium* fundamentalē.

Nam vox *artificium*, ut etiam *arlefactum*, stricte sumpta connotat artis directionem; quare idem sonare videtur ac opus *actu directum*, *regulatum*, *positum cum advertentia ad regulas artis*, vel habens directionem passivam in actu secundo. Importat ergo formaliter denominationem extrinsecam a prælucente regula ut a forma. Et hec denominatio dicitur *artificium formale et extrinsecum*. Quod si præcise consideretur intrinseca rectitudo operis ex se digna, quæ ab arte dictetur, sic dicitur *artificium fundamentalē*. Sic actus *animal rationale* elicitus ab ignaro Logicæ, vel sine attentione ad regulas, non est formaliter extrinsece artificiosus, cum non dirigeretur ab arte prælucente; est tamen intrinsece et fundamentaliter artificiosus, quia habet totam rectitudinem, quam præscriberent regulæ bene definiendi, si actu adhiberentur.

Verum quia passim *artificium* simpliciter dictum sumitur pro intrinsecō, seu pro rectitudine ista; idcirco actus ille, sicut est formaliter ac plene rectus, ita est formaliter ac plene artificiosus, quamvis ab arte non prodeat hic et nunc. Atque hoc sensu accipitur in præsenti quæstione *artificium*, prout videlicet idem est ac passiva directio in actu primo, seu dirigibilitas objectiva; vel clarius, prout est idem ac rectitudo ex se digna labore artis, et quam ars præcepit, dum adest (1).

Hisce prænatis, sententia est communissima inter Sententia Societas. nostros Auctores, statuens actus ipsos formales cognitionis, eosque prout recte et artificios disponendos, esse objectum formale Logica ita, ut rectitudo vel artificium sit ratio formalis sub qua Logica operationes intellectuales contemplatur. Certum namque est operationes intellectuales secundum naturam suam spectatas pertinere ad considerationem scientiæ de *Anima*.

At quoniam operationes intellectuales tres sunt, simplex apprehensio, judicium et discursus, est aliqua varietas inter patronos hujus sententiae in judicando, num omnes illæ tres

*Artificium et
artefactum.*

Sententia Societas.

*Aliqua
discrepancia
in modo
rem
explicandi.*

(1) Omnia hæc fere ad verbum desumpta sunt ex P. Lossada, loc. cit., disp. 2, cap. 7, *Quid est artificium actus intellectus*, n. 13-16.

Sententia
communissima

operations sint formale objectum Logicae. Nam P. Hurtadus negat simplicem apprehensionem esse arte dirigibilem: unde consequenter eam excludere debet a ratione formalis objecti Logicae (1). Alii vero secundam dumtaxat operationem volunt esse formale Logicae objectum adaequatum, alii autem solam tertiam, alii primam ac tertiam, seclusa secunda, alii primam et secundam (2). Alii demum reponunt objectum formale adaequatum Logicae in tribus praedictis operationibus intellectus; quae est communissima nostratum sententia (3). Horum doctrinam sequens complectitur

353. PROPOSITIO. Objectum formale adaequatum Logicae sunt tres operations intellectus secundum artificium sibi proprium, seu prout recte instituenda.

fulcitur
rationibus.

Ut autem propositio hac probetur, duo demonstranda sunt: a) Tres operations esse objectum formale adaequatum, non vero partiali dumtaxat; b) easdem esse objectum adaequatum secundum rectitudinem et artificium proprium.

Prob. a). Nam ut aliquid sit objectum adaequatum scientiae cuiusvis, requiritur, ut omnia quae disputat ea scientia, ad illud revocentur, ut secundum omnes suas partes ab illa tractetur, utque nihil aliud praeterea veniat secundum se in considerationem ejusdem scientiae. Atqui tales sunt tres mentis operationes respectu Logicae. Nam quidquid Logica directe considerat, ad illarum directionem spectat, nec aliud praeter easdem respicit tamquam formale objectum, non voces, non res, sive secundum esse physicum, sive secundum esse intentionale consideratas, nec ens rationis objectivum. Ergo tres illae operations sunt objectum adaequatum Logicae (4).

Probatur itaque b), nempe tres operations intellectus secundum rectitudinem et artificium proprium esse objectum formale Logicae.

(1) *Log.*, disp. 1, sect. 2, n. 10, 11.

(2) Apud Amic., *Log.*, tract. 1, quest. 5, dub. ultimo.

(3) Vide Llossada, *Log.*, tract. 1, disp. 2, cap. 7, n. 25; Semery, *Log.*, disp. 1, quest. 2, art. 9; Rhodes, *Philos. Perip.*, lib. 1, disp. 1, quest. 1, sect. 2.

(4) Cfr. Rhodes, loc. cit., *Conclus.* 4.^o; Llossada, loc. cit. n. 38.

Auctoritas
S. Thoma

1.^o Auctoritate S. Thomæ: *Cum Logica dicatur rationalis scientia, necesse est, quod ejus consideratio versetur circa ea, quæ pertinent ad tres predicas operationes rationis* (1), quas ibidem commemoraverat S. Doctor.

Et alibi Logica definitur ab Aquinate: *ars directiva ipsius actus rationis, per quam scilicet bono in ipso actu rationis ordinatur et faciliter et sine errore procedat. Et hec est ars Logica, id est, rationalis scientia, quae non solum rationalis est ex hoc, quod est secundum rationem, quod est omnibus artibus communis; sed etiam ex hoc, quod est circa ipsum actum rationis, sicut circa propriam materiam. Et ideo videtur esse ars artium, quia in actum rationis nos dirigit, a quo omnes artes procedunt. Oportet igitur Logicæ partes accipere secundum diversitatem actuum rationis. Sunt autem rationis tres actus etc.* (2). In tibi proprias notas formalis objecti scientie: esse nimurum id, circa quod ex instituto versatur illius consideratio: esse id, in quo per artem facile, ordinate et sine errore exercemur; esse id, unde Logica suum sortitur nomen ac distinctionem a ceteris artibus; esse id, cuius partium diversitas partes scientias diversificat (3).

Quæ si nondum satis perspicua sunt, accipe aliud testimonium: *Ordo... quadrupliciter ad rationem comparatur. Est enim quidam ordo, quem ratio non facit, sed solum considerat, sicut est ordo rerum naturalium. Alius autem est ordo, quem ratio considerando facit in proprio actu, puta cum ordinat conceptus suis ad invicem, et signa conceptum, quæ sunt voces significativa. Tertius autem est ordo, quem ratio considerando facit in operationibus voluntatis. Quartus autem est ordo, quem ratio considerando facit in exterioribus rebus, quarum ipsa est causa, sicut in arca, domo. Et quia consideratio rationis per habitum perficitur secundum hos diversos ordines, quos proprie ratio considerat, sunt diversæ scientie. Nam ad Philosophiam naturalem pertinet considerare ordinem rerum, quem ratio humana considerat, sed non facit, ita quod sub naturali Philosophia comprehendamus et Metaphysicam. Ordo*

(1) Lib. 1. *Periherm.*, lect. 1, initio.

(2) S. Thom., lib. 1. *Poster.*, lect. 1, initio.

(3) Llossada, loc. cit. n. 25.

autem, quem ratio considerando facit in proprio actu, pertinet ad rationalem Philosophiam, cuius est considerare ordinem partium orationis ad invicem, et ordinem principiorum ad invicem et ad conclusiones. Ordo autem actionum voluntariarum pertinet ad considerationem moralis Philosophiae. Ordo autem, quem ratio considerando facit in rebus exterioribus constitutis per rationem humanam, pertinet ad artes mechanicas (1).

Dices, Logicam dirigere actus rationis, non ut artefacta, sed ut *actiones artificiales*, ex quibus in objecto cognito resultat artificium, sicut artes fabriles v. g. dirigunt actiones fabri, non ut artefacta propria, sed ut id, quo artefacta efficiuntur, nam per operationem artificis resultat in materia artificium intentum. Et ratio hujus interpretationis est, quia ex ipso S. Thoma (2) Logica est de actu rationis, sicut ars adiutoria de actu manus. Atqui ars adiutoria est de actu manus non tamquam de arte facto proprio artis adiutoriae, sed tamquam de actione artificis, quam dirigit, ut artefactum, domum nempe, faciliter et ordinate construat. Ergo nihil conficitur ex testimonio S. Doctoris.

Resp. neg. assertum et interpretationem. Nam Angelicus ibi per actum manus non significat meram actionem transiuentem manus, sed ipsum opus manu factum, nempe artificium domus. Non enim actionem praecisam ab opere dirigit ars fabrili, sed actionem terminatam ad opus. Id quod multo manifestius appetet in postremo loco, quem excrispimus ex libro primo *Ethicorum*, in quo diserte dicitur artes mechanicas respicere ordinem ipsum quem ratio considerando facit in rebus exterioribus; itemque ordinem, quem ratio facit in proprio actu, pertinere ad Logicam. Non ergo Logica dirigit actus intellectus solummodo ut actiones artificiales, sed ut artefacta; nec solum ut aliquid, ex quo in objecto resultet artificium, sed ut aliquid, quod in se ordinandum et recte faciendum in seipso esit.

(1) S. Thom., lib. 1.^a *Ethicor.*, lect. 1.^a initio.

(2) *Sicut igitur ex hoc, quod ratio de actu manus ratiocinatur, adinventa est ars adiutoria vel fabrili, per quas homo faciliter et ordinate hujus actus exercere potest, eadem ratione ars quedam necessaria est, qua sit directiva ipsius actus rationis...* S. Th., Lib. 1.^a *Post.*, lect. 1, initio.

Prob. 2.^o Logica respicit pro objecto formalis modum sciendi. Sed quidditas modi sciendi proprie convenit tribus actibus intellectus. Ergo (1).

Major in confessu est apud omnes, etiam apud Thomistas.

Minor probatur. Modus sciendi sic communiter definitur: *oratio ignoti manifestativa* (2). Atqui nulli rei magis convenit esse manifestativum ignoti, quam actibus intellectus; nam sunt signa formalia, quae immediate et formaliter objectum menti patefaciunt, notumque de ignoto reddunt, dum signa instrumentalia nonnisi mediante formalis manifestare illud possunt, docente S. Thoma: *Manifestatio per se non inventitur nisi in intellectu; si enim aliiquid, quod est extra intellectum, manifestare dicatur, hoc non est, nisi secundum quod ex ipso aliiquid in intellectu relinquitur, quod postea est principium manifestativum in eo; proximum ergo manifestans est in intellectu, sed remotum potest etiam esse extra eum* (3). Ergo.

Probat præterea eadem Minor principialis syllogismi in hunc modum. Modus sciendi ex communissima sententia dividitur in definitionem, divisionem et argumentationem. Atqui ratio definitionis, divisionis et argumentationis convenit actibus intellectus.

Sane in primis definitio est oratio explicans essentiam rei. Atqui hic actus mentis, exprimens *animal rationale*, est oratio, id est, signum complexum, explicans ac distincte detegens essentiam hominis. Ergo. Hinc soleme fuit antiquis definitionem, sicut et conceptum ac terminum, dividere in *formalem* et *objectivam*; et formalem quidem dicebant actum mentis (vel etiam complexum vocum, si de oralis definitione sermo erat) experimentem essentiam rei. Haec eadem, ut patet, locum habent in divisione.

Deinde propositio ex Aristotele et S. Thoma est affirmatio aut negatio alicujus de quopiam, aut etiam oratio verum vel falsum significans. Atqui haec definitio propriissima est

(1) Cf. Lassoda, *Logic.*, tract. 1, disp. 2, cap. 7, n. 29, seqq.

(2) Vide Joann. a. S. Thoma, lib. 2, *Summular.*, cap. 2; *Complutens. Log. Proem. Praemula de Modis sciendi...*

(3) S. Thom., *de Verit.*, q. 4, art. 3.

actus mentalis, immo prima nonnisi improprie objectis aptari potest. Præterea affirmatio et negatio apud Logicos perinde est ac *compositio* et *divisio*. At *compositio vel divisio operatio quædam est intellectus* (1) ut scribit S. Thomas. Hinc idem S. Doctor ibidem docuit: *Propositionis per intellectum componentem et dividentem formata compositio in ipso intellectu existit, non in re, quæ extra animam est* (2).

Confirmatur hæc doctrina relate ad definitionem et propositionem auctoritate expressa S. Thomæ: *Intellectus sua actione formalis rei definitionem, vel etiam propositionem affirmativam seu negativam. Hæc autem concepsio intellectus in nobis proprie verbum dicitur: hoc enim est, quod verbo exteriori significatur* (3).

Denique syllogismum et ratiocinationem esse actus intellectus patet ex ejus definitione. Nam *ratiocinatio est, inquit S. Isidorus, rationalis, substilisque disputatio atque a certis ad incertorum indagationem nitens cogitatio*, (4) que est S. Augustini definitio (5); vel ut ait S. Thomas, *ratiocinatio... est quidam motus intellectus transeuntes ab uno in aliud* (6).

Et idem dico de demonstratione, quam definīt Aristotleles *ratiocinationem eam, quæ scientiam efficit; eam vero scientiam efficiere dico, quam scimus eam ipsam babendo* (7) quasi diceret demonstrationem esse eum actum cognitionis, quem cum in mente habemus, *scire dicimus, vel scientes sumus, ut etiam interpretatur Angelicus* (8). *Est ergo syllogismus actus rationis* (9).

Hæc adeo perspicua sunt, ut frustra conentur in alienum sensum detorquere quidam Thomistæ, dicentes «hæc nomina *definitio, proposicio, syllogismus, demonstratio*, et similia

(1) S. Thom. 1.^{us} *Contr. Gentes*, cap. 58, n. 6. *Item, intellectus.*

(2) S. Thom. loc. sup. cit., n. 5, *Amplius, propositionis.*

(3) *De Potentia*, q. 8, art. 1, corp.

(4) Lib. 1.^{us} *Differentiarum*, n. 490.

(5) *De Immortalitate Animæ*, cap. 1, n. 1.

(6) Lib. 1.^{us} *Contr. Gent.*, cap. 57, n. 6. *Præterea, omnem motum; Cfr. S. Thom. 1. p. q. 58, a. 3, ad 1.^{us}*

(7) Arist. lib. 1.^{us} *Post.*, cap. 2.

(8) Lib. 1.^{us} *Poster.*, lect. 4, paragr. f, g.

(9) S. Thom., Opusc. 47. *De Natura syllogismorum* initio.

vere et proprii convenire objectis prout ente rationis investitis, at rationis actibus nonnisi *impropriæ, representative, causaliter* aut *vialiter*; sicut hominis imago nonnisi representative dicitur homo, et actio ædificantis nonnisi vialiter aut causaliter continet artificium domi. Hæc illi: quibus nihil repugnantibus doctrinæ D. Thomæ et Aristotelis nuper allegatae, necnon definitionibus modi sciendi et ejus specierum... Seposito partium studio, considera utrum lapis v. g. quadam entis umbra sedatus vel, si mavis, ornatus, vere et propri sit oratio ignoti manifestativa, aut explicans essentiam rei, aut affirmatio vel negatio aut ratiocinatio, secundum quam scimus, in quantum ipsum habemus. Hoc profecto non minus absurdæ dixeris, quam quod in Grammatica non voces, sed objecta fictionibus obsita, sint *nomen, verbum, partici- pium, oratio*; vel in Poetica sint *pæs dactylus, spondeus, choreus, aut versus sapphicus, jambicus etc.*» (1).

«Apud ipsos Thomistæ *definitio formalis, propositio formalis, syllogismus formalis* sunt actus intellectus, nam intentiones in objecto facte, solum dicuntur *syllogismus objectivus, definitio objectiva* etc. Numquid similiter actio ædificantis vocabitur *palatum formale*, aut *imago Cæsaris Caesar formalis?*»

«Certe Scholæ usū tritissimo additum *formalis* non alienat significatum nominis, sed propriam designat acceptiōnem, ut cum dicitur *objectum formale, constitutivum formale, calor formalis, etc.* Immo si calor idem diceretur *formalis*, simulque pure *vialis* aut *causalis*, manifesta foret implicatio in terminis. Par igitur implicatio est, dum rationis actus vocatur *definitio formalis*, simulque pure causaliter aut vialiter convenire ipsi dicitur *nomen definitio*» (2).

Prob. 3.^{us} Actus voluntatis secundum moralem rectitudinem sibi propriam sunt formale objectum Moralis Philosophiae. Ergo pariter actus intellectus secundum proprium sibi artificium sunt formale objectum Logice.

Consequientia patet tum ex simili modo procedendi utriusque scientiæ, tum ex auctoritate S. Thomæ docentis,

(1) Lossada, loc. cit., cap. 7, n. 33.

(2) Lossada, loc. cit., cap. 7, n. 34.

sicut ordo actionum voluntarium pertinet ad considerationem Moralis Philosophiae, ita ordinem, quem ratio considerando facit in proprio actu, pertinere ad Logicam (1).

Antecedens vero licet negetur a quibusdam Thomistis, probatur tamen primo ex eodem S. Thoma sic concludente in loco nuper citato: *Sicut igitur subjectum Philosophiae naturalis est motus vel res mobilis; ita subjectum moralis Philosophiae est operatio humana ordinata in finem, vel etiam homo prout voluntarie agens propter finem* (2).

Probatur deinde antecedens, quia cum Philosophia moralis sit scientia practica (3), formale illius objectum debet esse aliquid operabile ab ipso cognoscente. Atqui nihil hujusmodi dari potest prater actus voluntatis rectos et ordinatus in finem. Ergo...

Confirmatur eadem assertio ex eo, quod sola rectitudine propria actuum intellectus plene obtinetur institutum Logicae. Id enim sibi propositum habet Logica, ut usum rectum rationis doceat, viamque tutam ad veritatem aperiat remota confusione, ambiguitate atque errore, neque enim ob aliud vocata est *Ars artium, Instrumentum et Organum scientiarum, Scientia Rationalis et Magistra mentis*. Atqui quamvis nihil dicit Logica prout illum specialem modum representandi, qui proprius est definitionis formalis, syllogismi formalis, demonstrationis formalis etc., jam satis docet ad rectum usum rationis obtainendum, veritatemque assequendam sine confusione et errore, qui cum eo modo representandi minime cohaeret. Ergo...

Confirmatur etiam ex eo, quod rationis actus dirigibles sunt propter se directione siente in ipsis tamquam in fine proximo atque intrinseco, ac proinde dignae sunt, quæ arte aliqua tractentur per se et propter se, cum potissimum integræ artes instituantur propter actiones saltandi, citharizandi, equum moderandi, et alias mere ludicras. Atqui ad quam aliam artem, quæspecto, spectare tales actus possunt nisi ad Logicam? (4).

(1) Vide S. Th., lib. 1. *Ethicor.*, lect. 1, initio.

(2) S. Thom., lib. 1.^a *Ethicor.*, lect. 1.^a initio.

(3) Vide superius dicta num. 301 et 302.

(4) Llossada, loc. cit., cap. 7, n. 37.

Denique probatur, quia singulae tres operationes suam habent scibilitatem propriam ac dirigibilitatem, et singulae ne errant, distinctis agentibus regulis ac directione. Ergo omnes tres operationes secundum propriam rectitudinem sunt objectum formale Logice.

Antec. satis videtur patere quoad 2.^{us} et 3.^{us} operationem, ac probatur manifeste ex iis, quæ disputari solent circa illas, ac potissimum ex regulis conversionum, oppositionum, syllogismorum etc.

Probatur autem speciatim de prima operatione propter illos, qui eam excludunt a formalis objecti ratione. Eatenus prima mentis operatio non foret formale objectum Logicae, quatenus non posset regulis et arte dirigiri. Atqui falsa haec ratio est.

Sane ut operatio arte dirigatur, requiritur quod variis modis, bene et male, elici possit, ac proinde in ea elicenda possit agens rationale errare, atque a fine suo deflectere. Atqui talis est prima mentis operatio. Nam prima mentis operatio vel est complexa vel incompleta. Et in incompleta errare posse hominem manifeste probat definitio, in qua formanda potest intellectus errare, ac porro sepissime errat, ut patet experientia, vel adhibendo genus remotum pro proximo, accidentis loco differentiae essentialis ac specificæ, vel addendo superfluum, vel detrahendo necessarium, vel etiam copulando inter se praedicta contradictoria.

Nec dicas cum Hurtado Logicam solum agere de definitio-ne in ordine ad judicium, in quo Definitio prædicetur, atque adeo nonnisi prout est pars propositionis. Nam licet prima operatio ad secundum ordinetur, sicut etiam secunda ad tertiam, tamen suam postulat propriam perfectionem, a qua deficere potest ex defectu directionis. Sicut etiam partes cuiuslibet artefacti, etiamsi ad totum conflandum ordinentur, suam directionem peculiarem postulant, ut affabre construantur. Quare docet S. Thomas in definitionem cadere posse falsitatem aliquam (intellige inchoatam, radicalem seu virtualem, quæ etiam extra judicium reperiri potest) non solum secundum quod intellectus definitionem, unius attribuit alteri, ut si definitionem circuli attribuit homini, sed etiam secundum quod partes definitionis componit ad invicem, quæ simul sociari

non possunt; sic enim definitio non solum est falsa respectu aliquius rei (cui nempe attribuitur per judicium), sed etiam est falsa in se, ut si formet talem definitionem: animal rationale quadrupes, falsus est intellectus sic definiendo (1).

Patet id ipsum de apprehensione incompleta, qualis est ea, per quam formatur *genus*, *species* et cetera predicabilia. Nam in his quoque formandis errare potest intellectus. Intellectus enim formaturus genus proximum hominis, quamvis advertat convenientiam illius cum brutis in operatione sentiendi, non est necessario determinatus ad apprehensionem *animal*, que sola tali generi est apta, sed potest aliquam aliam elicere ex his, *Animalia*, *sentiens*, quarum neutra est utilis: altera quia multitudinem exprimit, altera, quia fertur in *accidens*. Ut igitur intellectus, omissione inutilibus apprehensionibus, utiles seligat, praedoceri debet, quas conditions exposcat apprehensioni formatura genus, aut aliud quodvis praedicabile, ac proinde regulis eget, quae revera dantur in tractatu de *universalibus ac praedicabilibus*, qui ad simplices apprehensiones pertinent (2).

§ IV.—JUDICIO AUCTORIS.

Judicium
auctoris.

354. Jam de hac controversia ita judico: a) In primis certum non est *genus*, *speciem* etc. et generatim universale constitui formaliter per ens rationis. Sunt enim de hac re variae opiniones, quemadmodum suo loco innuimus (3).

b) Etiamsi in conficiendis artefactis logicis occurre possint entia rationis, fingendo entitates vel relationes, ubi nullæ sunt; immo etiamsi admittatur *genera*, *species* et reliqua, de quibus agit Logica, formaliter constituti per ens rationis, certum videtur Logicam de hoc non curare, nec tractare illa, prout entia rationis sunt. Unde sunt plures tractatus Logicæ, qui nec quidditatem entis rationis explicant. Et certe, omissa hac tractatione, que ad Metaphysicam spectat, et ignorato

(1) S. Thom., I. p. q. 17, art. 4 corp.

(2) Lossada, loc. cit., cap. 7, n. 3-9. Cfr. Somery, *Trienn. philos.*, tom. I, *Logic.*, disp. I, proem. quest. 2, *Omitto hic examinare* etc., et alii auctores supra citati.

(3) Vide supra num. 177.

prorsus vel nomine entis rationis, æque bene præcepta logica cognosci possunt.

7) Sed quoniam negari nequit innumerata tractari in Logica, que a multis Philosophis dicuntur entia rationis v. g. *genus*, *species*, *subjectum*, *praedictatum* etc. eorumque cognitio necessaria prorsus est ad præcepta Logicae capienda; nec negari item posse videtur, actus rationis omnino a Logica considerari, actus quippe intellectus sunt *definitio formalis*, *propositio*, *syllogismus*, *ratiocinatio* etc., ut appareat ex horum definitionibus: dubium esse potest, quid horum primario et directe spectet ad considerationem Logice.

Artificium ac rectitudo actuum rationis consistit in modo repræsentandi objecta. v. g. artificium definitionis situm est in brevi representatione prædicatorum essentialium eorum, in quibus res similis est aliis, (hæc vocantur *genus proximum*) et eorum, in quibus discrepat ab omnibus aliis (et dicitur *differentia ultima*). Similiter artificium syllogismi stat in certa repræsentatione præmissarum, que vel affirmative sint, vel partim affirmative, partim negativæ, certamque habeant quantitatem ac terminorum dispositionem: in quo omnes convenient, necesse est.

Quoniam ergo conceptus non «dicuntur ordinati quasi entitative, sed quasi repræsentative et respectu objectorum, circa que versantur», concludit Joannes a S. Thoma, «ergo principaliter respicit Logica ordinationem objectorum, formaliter autem tendentiam et representationem conceptuum, ut medium attingendi ista objecta ordinata» (1). Item quia «Logica non docet elicere (actus intellectus) quantum ad suam entitatem, sed ut artificiose disponantur, et quia dispositio artificiose non aliter inventitur in actibus, nisi in quantum attingunt objecta ordinata et disposita; idem est dirigere Logicam intellectum, ut eliciat actus suos artificiose, quod objecta ipsa præponere, circa que actus scientiarum elicantur, atque adeo primo et per se Logica attingit intentiones secundas, quibus objecta ipsa formaliter dicuntur ordinata» (2). Et similia habet P. Sylvester Mauri.

(1) Loc. cit. paragr. *Sed contra priam solutionem est.*

(2) Ibid., *Contra secundam solutionem est...*